

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI SELASA, 28 MAC 2023, PUKUL 10.00 PAGI

Bil. 13

WAKTU PERTANYAAN-PERTANYAAN MENTERI

1. PR-1521-MQT2151
Datuk Seri Haji Jalaluddin bin Haji Alias [Jelebu] minta **PERDANA MENTERI** menyatakan tentang pendekatan terbaharu dan kemajuan pelaksanaan Kerajaan Perpaduan untuk menoktahkan kemiskinan secara holistik dan berkesan agar dapat membangun sebuah negara dan masyarakat madani yang akan menjadi contoh di rantau ini.
2. PR-1521-MQT2149
Datuk Wira Hajah Mas Ermieyati binti Samsudin [Masjid Tanah] minta **PERDANA MENTERI** menyatakan kesediaan Kerajaan melaksanakan syor daripada Transparency International Malaysia (TI-M) supaya Suruhanjaya Pencegahan Rasuah Malaysia (SPRM) diletakkan di bawah bidang kuasa Parlimen dan bukan lagi di bawah Jabatan Perdana Menteri bagi memastikan proses semak dan imbang agensi itu lebih bebas dan telus sekaligus meningkatkan tahap kepercayaan dan keyakinan masyarakat terhadap SPRM.
3. PR-1521-MQT2159
Tuan Chiew Choon Man [Miri] minta **PERDANA MENTERI** menyatakan langkah yang diambil dalam usaha mencapai keadilan transisi pada masa yang sama menegakkan kedaulatan undang-undang dalam kes-kes berprofil tinggi yang membabitkan ahli politik seperti Pandora Papers, Panama Papers, bekas Ahli Parlimen Gombak atau ahli politik dari mana-mana pihak.

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI SELASA, 28 MAC 2023, PUKUL 10.00 PAGI

Bil. 27

WAKTU PERTANYAAN-PERTANYAAN MENTERI

PERTANYAAN-PERTANYAAN BAGI JAWAB LISAN

1. PR-1521-L19170
Datuk Seri Dr. Haji Dzulkefly bin Ahmad [Kuala Selangor] minta **MENTERI KOMUNIKASI DAN DIGITAL** menyatakan kesediaan menguatkuasakan perolehan secara tender seperti yang beliau gesakan termasuk projek pelancaran 5G yang diterajui Digital Nasional Berhad (DNB) yang telah mengundang pelbagai kontroversi sejak dilancarkan sedikit waktu dahulu.
2. PR-1521-L18932
Ir. Ts. Haji Khairil Nizam bin Khirudin [Jerantut] minta **PERDANA MENTERI** menyatakan strategi dan solusi Kementerian untuk menangani kos haji dan umrah yang melonjak naik sejak kebelakangan ini.
3. PR-1521-L18018
Tuan William Leong Jee Keen [Selayang] minta **MENTERI PERDAGANGAN ANTARABANGSA DAN INDUSTRI** menyatakan langkah-langkah yang diambil untuk mengatasi daya saing Malaysia yang telah jatuh ke kedudukan ke-32 dalam Ranking Daya Saing Dunia (*World Competiveness Ranking*) Institut Antarabangsa bagi Pembangunan Pengurusan (IMD) tahun 2022.

4. PR-1521-L18353

Datuk Wan Saifulruddin bin Wan Jan [Tasek Gelugor] minta **MENTERI PERDAGANGAN DALAM NEGERI DAN KOS SARA HIDUP** menyatakan apakah tindakan yang telah diambil untuk mewujudkan lebih banyak persaingan dalam industri yang dikaitkan dengan kartel atau monopoli seperti simen, ayam, telur, gula dan lain-lain.

5. PR-1521-L18070

Puan Wong Shu Qi [Kluang] minta **PERDANA MENTERI** menyatakan jumlah yang telah dibelanja bagi operasi penyelamat banjir, bantuan kewangan kepada mangsa serta perbelanjaan lain ketika banjir secara terperinci bagi tahun 2022.

6. PR-1521-L18795

Datuk Haji Awang bin Hashim [Pendang] minta **MENTERI PEMBANGUNAN USAHAWAN DAN KOPERASI** menyatakan langkah jangka panjang diambil bagi mengurangkan kadar bankrupsi dalam kalangan usahawan Bumiputera yang baru serta meningkatkan kemampanan golongan terbabit.

7. PR-1521-L18080

Datuk Seri Utama Hasni bin Mohammad [Simpang Renggam] minta **MENTERI EKONOMI** menyatakan apakah inisiatif awalan yang diambil Kementerian untuk Membina Semula Ekonomi sebagai salah satu daripada empat Teras Strategik Utama dalam konsep Malaysia Madani.

8. PR-1521-L18396

Tuan Kalam bin Salan [Sabak Bernam] minta **MENTERI PERTAHANAN** menyatakan adakah Kementerian bercadang menambah bilangan anggota Angkatan Tentera Malaysia untuk menampung keperluan pekerjaan anak-anak muda di samping mendisiplinkan dan meningkatkan jati diri mereka kerana bilangan anggota tentera yang besar merupakan aset ketenteraan negara yang paling utama yang menjaga keamanan negara.

9. PR-1521-L17967

Datuk Jonathan Yasin [Ranau] minta **MENTERI EKONOMI** menyatakan apakah dasar yang diguna pakai oleh Kerajaan dalam mengagihkan peruntukan pembangunan Kerajaan kepada negeri-negeri dan wilayah-wilayah dalam negara. Adakah saiz keluasan sesebuah negeri atau wilayah tidak dipertimbangkan tetapi hanya mengambil kira dari segi jumlah penduduk di sesebuah negeri atau wilayah.

10. PR-1521-L19349
Datuk Wira Hajah Mas Ermieyati binti Samsudin [Masjid Tanah] minta **MENTERI KOMUNIKASI DAN DIGITAL** menyatakan dalam tempoh 3 tahun ini (2020 - 2022) apakah platform media sosial yang banyak digunakan oleh rakyat Malaysia dan nyatakan juga apakah kesan langsung Kod Kandungan 2022 yang dijadikan sebagai panduan siaran di media sosial.
11. PR-1521-L18676
Puan Yeo Bee Yin [Puchong] minta **MENTERI SAINS, TEKNOLOGI DAN INOVASI** menyatakan sebab Malaysia Space Agency (MySA) memberi surat sokongan kepada Serba Dinamik pada tahun 2021 dan apakah status terkini kerjasama antara kedua-dua pihak ini.
12. PR-1521-L18942
Datuk Haji Ahmad Marzuk bin Shaary [Pengkalan Chepa] minta **PERDANA MENTERI** menyatakan apakah dasar pendidikan yang dirangka oleh Kerajaan bagi menjamin peluang murid tahfiz dan pondok untuk menyambung pengajian ke institut pengajian tinggi.
13. PR-1521-L19068
Tuan Gobind Singh Deo [Damansara] minta **MENTERI KOMUNIKASI DAN DIGITAL** menyatakan bilakah Kerajaan akan membentangkan Akta Majlis Media Malaysia ke Parlimen.
14. PR-1521-L19223
Tuan Rushdan bin Rusmi [Padang Besar] minta **PERDANA MENTERI** menyatakan adakah terdapat cadangan untuk memasang pengacau isyarat (*jammer*) terutamanya di sempadan Malaysia - Thailand untuk mengekang jenayah rentas sempadan.
15. PR-1521-L18447
Tuan Lo Su Fui [Tawau] minta **PERDANA MENTERI** menyatakan pertimbangan pihak Kerajaan untuk menubuhkan sebuah pejabat bantuan guaman di Tawau bagi membantu masyarakat berpendapatan rendah sekitar kawasan Pantai Timur Sabah untuk mendapatkan khidmat guaman memandangkan hanya terdapat sebuah pejabat bantuan guaman di Kota Kinabalu yang jaraknya terlalu jauh.
16. PR-1521-L18677
Tuan Afnan Hamimi bin Taib Azamuddin [Alor Setar] minta **MENTERI EKONOMI** menyatakan pendirian terhadap semua projek mega di negeri Kedah yang telah diluluskan oleh Kerajaan sebelum ini, apakah ianya akan diteruskan atau tidak. Jika diteruskan, apakah statusnya yang terkini.

17. PR-1521-L18697
Tuan Roy Angau anak Gingkoi [Lubok Antu] minta **MENTERI PERDAGANGAN DALAM NEGERI DAN KOS SARA HIDUP** menyatakan usaha dan langkah yang diambil oleh Kementerian dalam memastikan bekalan bahan makanan asas mencukupi dan boleh didapati pada harga yang munasabah terutamanya ketika musim perayaan.
18. PR-1521-L18075
Dato' Sri Ikmal Hisham bin Abdul Aziz [Tanah Merah] minta **MENTERI PERDAGANGAN ANTARABANGSA DAN INDUSTRI** menyatakan berapa jumlah pengedar dari kalangan Bumiputera berbanding pengedar *non-bumi* bagi perniagaan pengedaran kereta nasional Proton khususnya di kawasan Lembah Klang dan juga di seluruh negara.
19. PR-1521-L19046
Tuan Chong Chieng Jen [Stampin] minta **PERDANA MENTERI** menyatakan apakah *progress* perundingan di antara Kerajaan Persekutuan dan Kerajaan Negeri Sarawak berkenaan penurunan kuasa dalam bidang pendidikan dan kesihatan dari Kerajaan Persekutuan ke Kerajaan negeri.
20. PR-1521-L19126
Dato' Rosol bin Wahid [Hulu Terengganu] minta **MENTERI KOMUNIKASI DAN DIGITAL** menyatakan sejauh mana ketelusan Kerajaan dalam melaksanakan sekatan terhadap kandungan digital di media sosial terutama yang menjurus kepada fitnah dan berita tidak benar.
21. PR-1521-L18027
Datuk Seri Ir. Dr. Wee Ka Siong [Ayer Hitam] minta **PERDANA MENTERI** menyatakan mengenai pendirian Kerajaan tentang gesaan dan cadangan daripada Majlis Raja-Raja Melayu agar Akta Suruhanjaya Pelantikan Kehakiman (JAC) 2009 dipinda, bagi mendukung kebebasan badan kehakiman daripada campur tangan kuasa eksekutif.
22. PR-1521-L19210
Tuan Abdul Latiff bin Abdul Rahman [Kuala Krai] minta **PERDANA MENTERI** menyatakan berapakah projek-projek utama Kerajaan Persekutuan yang telah diluluskan di Kelantan pada tahun 2020 - 2022 dan adakah Kerajaan akan meneruskan projek-projek tersebut.

23. PR-1521-L18631

Dato' Ngeh Koo Ham [Beruas] minta **MENTERI PERDAGANGAN DALAM NEGERI DAN KOS SARA HIDUP** menyatakan jumlah barangan dan perkhidmatan yang diperolehi oleh penduduk Malaysia bagi tahun 2019, 2020, 2021 dan 2022 dengan pecahan barangan dan perkhidmatan tempatan dan barangan dan perkhidmatan dari negara asing.

24. PR-1521-L18813

Tuan Haji Kamal bin Ashaari [Kuala Krau] minta **PERDANA MENTERI** menyatakan :

- (a) pendirian Kerajaan mengenai duit tahanan peneroka FELDA yang memotong 15-20% gaji bulanan peneroka, namun jumlah penolakan hanyalah kurang daripada 10% secara purata setiap bulan; dan
- (b) ke manakah duit tersebut digunakan sebelum pembayaran lebihan duit tahanan dibuat pada bulan seterusnya.

25. PR-1521-L18506

Dato' Haji Shamsulkahar bin Mohd Deli [Jempol] minta **MENTERI EKONOMI** menyatakan apakah formula Kerajaan dalam memastikan kadar inflasi dapat dikawal dan apakah usaha Kerajaan agar rakyat tidak terlalu terbeban dengan kos sara hidup yang begitu meningkat pasca pandemik.

26. PR-1521-L18328

Tuan Haji Muhammad Islahuddin bin Abas [Mersing] minta **PERDANA MENTERI** menyatakan kesediaan Kerajaan mempertimbang agihan peruntukan pembangunan kawasan Parlimen secara sama rata kepada semua ahli Parlimen.

27. PR-1521-L19390

Tuan Syed Ibrahim bin Syed Noh [Ledang] minta **PERDANA MENTERI** menyatakan kaedah atau langkah yang diambil untuk merealisasikan konsep Madani ke dalam aspek pentadbiran Kerajaan dan kehidupan rakyat.

28. PR-1521-L(5)00165

Tuan Cha Kee Chin [Rasah] minta **MENTERI PERDAGANGAN DALAM NEGERI DAN KOS SARA HIDUP** menyatakan apakah respon daripada kedai makan atau restoran terhadap konsep menu Rahmah yang dijual dengan harga tidak lebih RM5 kepada pengguna. Apakah inisiatif dan pendekatan untuk menambah baik pelaksanaan menu Rahmah ini, agar ia dapat memanfaatkan bukan sahaja pengguna tetapi kepada kedai makan yang terlibat untuk jangka panjang.

[Pertanyaan di bawah PM 22(5)]

29. PR-1521-L18371

Tuan Tan Hong Pin [Bakri] minta **MENTERI PERDAGANGAN ANTARABANGSA DAN INDUSTRI** menyatakan apakah langkah yang diambil oleh Kerajaan untuk membangunkan industri kenderaan elektrik dan membina ekosistem kenderaan elektrik di Malaysia selain daripada insentif cukai.

30. PR-1521-L18472

Puan Rodziah binti Ismail [Ampang] minta **MENTERI PEMBANGUNAN USAHAWAN DAN KOPERASI** menyatakan apakah inisiatif mendefinisikan semula secara kualitatif kelompok penjaja yang berpendapatan kecil dan hanya kais pagi, makan pagi, diasingkan dari usahawan mikro, kecil dan sederhana di samping membangunkan program khusus buat penjaja agar hasrat YAB Perdana Menteri merakyatkan ekonomi tercapai.

31. PR-1521-L19413

Dato' Sri Ismail Sabri bin Yaakob [Bera] minta **PERDANA MENTERI** menyatakan apakah mekanisme yang diguna pakai oleh pihak Kementerian bagi memastikan Projek Perumahan Rakyat di bawah kelolaan Kementerian Wilayah Persekutuan sebelum ini iaitu RumahWIP dapat disiapkan tepat pada waktu bagi membantu para pembeli memiliki rumah pertama mereka.

32. PR-1521-L19054

Tuan Haji Wan Hassan bin Mohd Ramli [Dungun] minta **PERDANA MENTERI** menyatakan apakah jaminan Kerajaan untuk tidak akan campur tangan dalam urusan mahkamah terutama terhadap kes mahkamah berprofil tinggi.

33. PR-1521-L18975

Datuk Seri Panglima Madius Tangau [Tuaran] minta **MENTERI PERDAGANGAN ANTARABANGSA DAN INDUSTRI** menyatakan apakah langkah-langkah untuk mempertingkatkan lagi pelaburan dalam sektor pembuatan sehingga Sabah mencapai sasaran mengeksport produk pembuatan melebihi satu juta *Container Port* setahun.

34. PR-1521-L18046
Tuan Fong Kui Lun [Bukit Bintang] minta **PERDANA MENTERI** menyatakan langkah-langkah yang diambil untuk memastikan syarikat-syarikat GLC dan GLIC mengambil guna tenaga yang mencerminkan ciri kepelbagaian masyarakat majmuk kita sama ada sifat keadilan akan diamalkan dalam hal kenaikan pangkat dan sebagainya oleh GLC tersebut khasnya oleh Petronas dan Tenaga Nasional Berhad.
35. PR-1521-L19171
Tuan Mohd Nazri bin Abu Hassan [Merbok] minta **MENTERI KOMUNIKASI DAN DIGITAL** menyatakan memandangkan bahawa Astro satu-satunya syarikat yang membekal perkhidmatan penyiaran tersebut. Adakah Kementerian bercadang untuk meluluskan peraturan baru untuk menyekat monopoli supaya menggalakkan persaingan sihat di antara syarikat-syarikat penyiaran.
36. PR-1521-L17942
Tuan Hassan bin Abdul Karim [Pasir Gudang] minta **MENTERI PERTAHANAN** menyatakan tentang kemajuan Projek Pembinaan Kapal-Kapal Tempur Persisir (LCS) untuk TLDM.
37. PR-1521-L18269
Datuk Seri Dr. Noraini Ahmad [Parit Sulong] minta **PERDANA MENTERI** menyatakan tindakan susulan yang telah diambil terhadap dakwaan mengenai politik wang pada pilihan raya yang lepas dan apakah status tindakan terkini yang dilakukan oleh pihak berkuasa yang berkaitan seperti Suruhanjaya Pilihanraya (SPR), Suruhanjaya Pencegah Rasuah Malaysia (SPRM), Polis Diraja Malaysia (PDRM) dan Peguam Negara.
38. PR-1521-L19010
Dr. Siti Mastura binti Muhammad [Kepala Batas] minta **MENTERI KOMUNIKASI DAN DIGITAL** menyatakan :
(a) peratusan capaian rangkaian jalur lebar 5G di seluruh negara sehingga kini; dan
(b) sasaran tahun capaian rangkaian jalur lebar 5G bagi seluruh Parlimen Kepala Batas.
39. PR-1521-L19194
Datuk Seri Dr. Ronald Kiandee [Beluran] minta **PERDANA MENTERI** menyatakan bilakah Kerajaan akan melaksanakan pemberian 35 peratus daripada 222 kerusi Parlimen kepada Sabah dan Sarawak sebagaimana dinyatakan dalam Laporan Jawatankuasa Antara Kerajaan (IGC) sesuai dengan Perjanjian Malaysia 1963 (MA63).

40. PR-1521-L19361

Tan Sri Haji Abdul Hadi bin Awang [Marang] minta **PERDANA MENTERI** menyatakan apakah jaminan dan langkah Kerajaan untuk memastikan institusi kehakiman diberikan kebebasan sepenuhnya dan tiada campur tangan daripada badan eksekutif khususnya dalam kes yang melibatkan pemimpin tertinggi Kerajaan.

41. PR-1521-L18542

Dato' Indera Mohd Shahr bin Abdullah [Paya Besar] minta **PERDANA MENTERI** menyatakan :

- (a) jangka masa hasil daripada sumber minyak dan tenaga asli dapat bertahan membantu pertumbuhan ekonomi negara serta peratusan potensi eksplorasi yang sedang dan akan diterokai; dan
- (b) apakah status pelaksanaan projek Kompleks Petroleum Bersepadu (RAPID) Pengerang sehingga kini.

42. PR-1521-L18335

Tuan Mordi Bimol [Mas Gading] minta **MENTERI PERDAGANGAN ANTARABANGSA DAN INDUSTRI** menyatakan berapa jumlah nilai Ringgit import Sarawak bagi tahun 2021 dan senarai barang-barang import utama Sarawak berserta nilai Ringgit untuk tahun yang sama.

43. PR-1521-L18892

Tuan Ahmad Fadhli bin Shaari [Pasir Mas] minta **PERDANA MENTERI** menyatakan perkembangan siasatan berhubung dakwaan kempen Perikatan Nasional di dalam PRU15 yang lalu turut dibiayai oleh dana daripada syarikat perjudian.

44. PR-1521-L18388

Puan Syerleena binti Abdul Rashid [Bukit Bendera] minta **PERDANA MENTERI** menyatakan berapa bilangan orang Rohingya atau pelarian/pemohon suaka yang berdaftar dengan UNHCR.

45. PR-1521-L18776

Tuan Haji Mohd Hasnizan bin Harun [Hulu Selangor] minta **PERDANA MENTERI** menyatakan apakah usaha-usaha Kementerian untuk mempercepat penyerahan rumah generasi kedua FELDA yang telah siap kepada pembeli.

46. PR-1521-L18782

Datuk Larry Soon @ Larry Sng Wei Shien [Julau] minta **MENTERI PERDAGANGAN DALAM NEGERI DAN KOS SARA HIDUP** menyatakan dengan jelas dan terperinci mengenai strategi dan perancangan oleh Majlis Tindakan Sara Hidup Negara dalam menstruktur semula penyaluran bantuan subsidi berpukul kepada subsidi bersasar untuk rakyat. Bilakah usaha ini akan mula dilaksanakan.

47. PR-1521-L(5)00152

Tuan Khoo Poay Tiong [Kota Melaka] minta **PERDANA MENTERI** menyatakan :

- (a) jumlah Menteri wanita yang memegang jawatan di dalam setiap kabinet Kerajaan Persekutuan dari tahun 2008 hingga 2022, termasuk butiran Kementerian yang dipegang oleh mereka; dan
- (b) jumlah peruntukan belanjawan tahunan yang diagihkan kepada Kementerian-Kementerian di bawah Menteri wanita untuk tempoh tersebut.

[Pertanyaan di bawah PM 22(5)]

48. PR-1521-L18226

Tuan Pang Hok Liong [Labis] minta **PERDANA MENTERI** menyatakan sama ada Parlimen bercadang untuk melaksanakan sistem mengundi secara elektronik (*electronic voting*) bagi membolehkan pengiraan undi dijalankan dengan lebih mudah dan cepat khususnya apabila undi belah bahagi diumumkan oleh Tuan Speaker.

49. PR-1521-L18155

Dato Anyi Ngau [Baram] minta **MENTERI EKONOMI** menyatakan jumlah serta nilai projek yang telah dilulus secara prinsip oleh Kerajaan tetapi belum diagihkan peruntukan kewangan untuk dilaksanakan di kawasan Sarawak dalam Rancangan Malaysia Ke-12 (RMK-12).

50. PR-1521-L(5)00155

Tuan Jimmy Puah Wee Tse [Tebrau] minta **MENTERI EKONOMI** menyatakan menurut kajian Bank Dunia, Development Research Group dan GINI Index, ranking Malaysia adalah 41.1 iaitu 115 daripada 162 negara, justeru apakah langkah yang perlu diambil oleh Kerajaan untuk mengurangkan jurang ketidak seimbangan pendapatan serta kemiskinan dan rancangan konkrit untuk meningkatkan pendapatan rakyat Malaysia.

[Pertanyaan di bawah PM 22(5)]

51. PR-1521-L18872

Dato' Ahmad bin Saad @ Yahaya [Pokok Sena] minta **PERDANA MENTERI** menyatakan penilaian dasar separuh penggal terhadap Pelan Tindakan Sosial Islam 2019 - 2025 bagi membentengi penularan gejala perlakuan LGBT yang semakin berkembang dalam negara.

52. PR-1521-L(5)00164

Tuan Cha Kee Chin [Rasah] minta **PERDANA MENTERI** menyatakan berapa jumlah kertas undi pos yang telah dikeluarkan dan berapa kertas undi yang sempat diterima untuk dikira ketika PRU15. Apakah pendekatan dan kaedah untuk memperbaiki kaedah yang dilaksanakan pada ketika ini, agar peratusan kertas undi yang dikembalikan dan dikira dapat dipertingkatkan pada masa akan datang.

[Pertanyaan di bawah PM 22(5)]

53. PR-1521-L19346

Tuan Ahmad Tarmizi bin Sulaiman [Sik] minta **PERDANA MENTERI** menyatakan pelaksanaan sistem TRIS (*Tracking Refugees Information System*) dan MyRC untuk pelarian dan pemegang kad MyRC diberikan ruang untuk berkerja dan bersekolah secara formal, termasuk di universiti dan kolej swasta.

54. PR-1521-L18518

Dato' Seri Haji Aminuddin bin Harun [Port Dickson] minta **MENTERI PERTAHANAN** menyatakan mengenai perkembangan peruntukan RM1.1 bilion yang diluluskan pada tahun 2015 bagi tujuan 10 projek pembinaan rumah keluarga baru untuk tentera darat di seluruh negara.

55. PR-1521-L18259

Datuk Seri Johari bin Abdul Ghani [Titiwangsa] minta **PERDANA MENTERI** menyatakan berapakah kelulusan peruntukan yang telah diluluskan oleh Kerajaan untuk menaik taraf Pasar Raja Bot (Pasar Chow Kit) yang terbengkalai sejak 10 tahun lalu dan bilakah ia akan disiapkan.

56. PR-1521-L19140

Dato' Seri Dr. Shahidan bin Kasim [Arau] minta **PERDANA MENTERI** menyatakan adakah Kerajaan akan meneruskan pembahagian peruntukan sama rata untuk semua Ahli Parlimen termasuk Ahli-Ahli Parlimen Pembangkang.

57. PR-1521-L18808

Tuan Syed Saddiq bin Syed Abdul Rahman [Muar] minta **MENTERI KOMUNIKASI DAN DIGITAL** menyatakan adakah Kerajaan akan meneruskan pelan 5G melalui Digital Nasional Bhd. (DNB) khususnya apabila Malaysia ketinggalan dari sudut kelajuan dan capaian jika dibandingkan dengan negara serantau dan langkah Kerajaan bagi memastikan kemudahan ini dapat diakses oleh semua rakyat di seluruh negara terutama sekali bagi pelajar-pelajar di kawasan-kawasan pedalaman.

58. PR-1521-L18899

Datuk Seri Takiyuddin bin Hassan [Kota Bharu] minta **MENTERI KOMUNIKASI DAN DIGITAL** menyatakan bilakah Kerajaan akan menubuhkan Majlis Media Malaysia dan adakah ia memerlukan pindaan kepada Akta Mesin Cetak dan Penerbitan 1984.

59. PR-1521-L19482

Dato' Seri Hishammuddin bin Tun Hussein [Sembrong] minta **MENTERI EKONOMI** menyatakan situasi jurang ekonomi dan pendapatan dari kalangan rakyat Malaysia.

ATURAN URUSAN MESYUARAT DAN USUL-USUL

1. **Menyambung semula pertimbangan ke atas Rang Undang-undang Perbekalan 2023 (D.R.2/2023) dan Usul Anggaran Perbelanjaan Pembangunan 2023 seperti berikut :**

“Bahawa Dewan ini, menurut subseksyen 4(3) Akta Kumpulan Wang Pembangunan 1966 [Akta 406], membuat ketetapan bahawa suatu jumlah wang sebanyak tidak lebih dari sembilan puluh sembilan bilion ringgit (RM99,000,000,000) dibelanjakan daripada Kumpulan Wang Pembangunan bagi tahun 2023, dan bagi tujuan dan butiran Perbelanjaan Pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2023, yang dibentangkan sebagai Kertas Perintah 19 Tahun 2023, adalah diuntukkan di bawah Maksud-maksud yang berkenaan jumlah-jumlah yang bersetentangan dengan butiran-butiran itu di ruangan enam dan tujuh senarai tersebut, dan bahawa Usul yang telah diluluskan oleh Dewan ini pada 20 Disember 2022 mengenai perbelanjaan yang dibelanjakan daripada Kumpulan Wang Pembangunan bagi tahun kewangan 2023 adalah dibatalkan dan hendaklah disahkan.”

Dalam Jawatankuasa Sebuah-buah Majlis (27 Mac 2023)

- | | | | |
|----|-----------------|---|-------------------------------|
| 2. | (D.R 13/2023) | Rang Undang-Undang Kesalahan-Kesalahan Seksual Terhadap Kanak-Kanak (Pindaan) 2023. | Bacaan Kali Yang Kedua |
| | | [Perdana Menteri] | |
| 3. | (D.R 14/2023) | Rang Undang-Undang Keterangan Saksi Kanak-Kanak (Pindaan) 2023. | “ |
| | | [Perdana Menteri] | |
| 4. | (D.R 5/2023) | Rang Undang-Undang Kanun Keseksaan (Pindaan) 2023. | “ |
| | | [Perdana Menteri] | |
| 5. | (D.R 6/2023) | Rang Undang-Undang Kanun Tatacara Jenayah (Pindaan) 2023. | “ |
| | | [Perdana Menteri] | |

6. (D.R 12/2023) Rang Undang-Undang Perbekalan Tambahan (2022) 2023 **Bacaan Kali Yang Kedua**

[Menteri Kewangan]

DAN

Menteri Kewangan akan mencadangkan :-

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan bahawa jumlah wang tambahan sebanyak enam bilion tiga ratus lima puluh juta satu ratus sembilan puluh empat ribu dan sembilan ratus ringgit (RM6,350,194,900) diperuntukkan daripada Kumpulan Wang Pembangunan bagi tahun kewangan 2022 bagi Maksud dan Butiran (Projek) seperti yang dinyatakan dalam ruang pertama dan kedua Penyata Anggaran Perbelanjaan Pembangunan Tambahan Pertama, 2022 yang dibentangkan sebagai Kertas Perintah 22 Tahun 2023 dan yang disenaraikan di sebelah Maksud dan Butiran (Projek) dalam ruang sembilan dan sepuluh penyata tersebut.”

7. (D.R 4/2023) Rang Undang-Undang Kewangan 2023 **Bacaan Kali Yang Kedua**

[Menteri Kewangan]

8. (D.R 3/2023) Rang Undang-Undang Levi Keuntungan Luar Biasa (Pengesahan) 2023 “

[Menteri Kewangan]

9. (D.R 1/2023) Rang Undang-Undang Pencetakan Teks Al-Qur'an (Pindaan) 2023. “

[Menteri Dalam Negeri]

10. (D.R 7/2023) Rang Undang-Undang Pemansuhan Hukuman Mati Mandatori 2023. “

[Perdana Menteri]

11. (D.R 8/2023) Rang Undang-Undang Semakan Hukuman Mati dan Pemenjaraan Sepanjang Hayat (Bidang Kuasa Sementara Mahkamah Persekutuan) 2023. “

[Perdana Menteri]

12. (D.R 9/2023) Rang Undang-Undang Pengangkutan Jalan (Pindaan) 2023 “

[Menteri Pengangkutan]

13. (D.R 10/2023) Rang Undang-Undang Pengangkutan Awam **Bacaan Kali Darat (Pindaan) 2023 Yang Kedua**

[Menteri Pengangkutan]

14. (D.R 11/2023) Rang Undang-Undang Lembaga Pelesenan “
Kenderaan Perdagangan (Pindaan) 2023

[Menteri Pengangkutan]

15. **Menteri Kewangan** akan mencadangkan :

“Bahawa Dewan ini, mengikut peruntukan perenggan 8(3)(a)(iv) Akta Tatacara Kewangan 1957 [Akta 61], mengambil ketetapan bersetuju supaya Kerajaan Malaysia melalui Menteri Kewangan (Diperbadankan) membuat pelaburan dengan menukar baki pinjaman Kerajaan Malaysia sebanyak RM165,282,814.00 kepada UDA Holding Berhad (UDA), sebuah syarikat dimiliki sepenuhnya oleh Menteri Kewangan (Diperbadankan) kepada ekuti (modal saham) bersamaan Seratus Enam Puluh Lima Juta Dua Ratus Lapan Puluh Dua Ribu Lapan Ratus Empat Belas (165,282,814) unit saham biasa pada nilai RM1 bagi satu unit saham.”

16. PR-1521-U(27)231

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya menyegerakan pembinaan dan baik pulih tembok sempadan Malaysia - Thailand supaya merangkumi keseluruhan perbatasan dari Perlis hingga Kelantan dan menyediakan suatu pelan tindakan komprehensif merangkumi semua agensi Kerajaan bagi kawalan sempadan Malaysia-Thailand. Sempadan Malaysia - Thailand adalah sepanjang kira-kira 656 km namun hanya 111 km sahaja yang berpagar. Sebahagian tembok sempadan antara Malaysia dan Thailand di sepanjang Laluan Keselamatan dan Pembangunan (KESBAN) dilihat sudah usang manakala peralatan kamera litar tertutup (CCTV) dan alat pengimbas perlu ditambah, dibaik pulih dan dinaik taraf dengan teknologi terkini seperti penggunaan dron. Beberapa insiden pada masa lalu seperti kes tembakan ke atas pasukan keselamatan negara dan bermaharajalelanya sindiket pemerdagangan manusia seperti yang berlaku di insiden Wang Kelian serta penyeludupan barangan termasuk dadah dan senjata menunjukkan betapa kritikalnya keperluan untuk meningkatkan tahap keselamatan di perbatasan. Kerajaan Malaysia sebelum ini telah memberikan komitmen untuk membina tembok sempadan tersebut tetapi sehingga terkini masih tiada pelan pembangunan komprehensif dan terperinci yang diumumkan. Mohon pihak Kerajaan memandang serius perkara ini dengan menyegerakan pembangunan tembok sempadan Malaysia - Thailand secara menyeluruh dan memastikan suatu pelan komprehensif merangkumi semua agensi Kerajaan bagi kawalan sempadan Malaysia - Thailand agar benar-benar berkesan menjamin keselamatan perbatasan negara."

[Menteri Dalam Negeri]

17. PR-1521-U(27)232

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan menubuhkan badan siasatan bebas bagi mengenal pasti secara terperinci punca utama yang menyebabkan kekurangan bekalan bahan makanan mentah seperti ayam dan telur ayam di pasaran serta merangka perancangan penyelesaian jangka pendek dan panjang yang komprehensif termasuk penguatkuasaan terhadap golongan kartel orang tengah serta menambahkan daya pengeluaran bekalan bahan makanan tempatan. Rakyat baik dari kalangan pengguna mahupun pengusaha restoran kecil masih mengeluh dengan permasalahan ini yang menyebabkan kenaikan harga bahan makanan mentah. Kerajaan tidak seharusnya melepaskan tanggungjawab menjaga keterjaminan bekalan bahan makanan kepada individu (sebagai *end user*) mahupun menyarankan penyelesaian jalan mudah seperti menambah import makanan tetapi mencari penyelesaian sepanjang rangkaian jaringan bekalan bahan makanan mentah."

[Menteri Pertanian dan Keterjaminan Makanan]

18.

19. PR-1521-U(27)233

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya mengkaji dan merancang satu inisiatif khas bagi memastikan setiap rakyat dan keluarga Malaysia terutamanya dari golongan B40 dan M40 mampu memiliki kediaman pertama dengan menyediakan rumah mampu milik berharga RM200,000 dan ke bawah baik di luar dan di dalam bandar. Dasar Perumahan Negara (2018 - 2025) sendiri memperakui bahawa isu kemampuan memiliki rumah semakin ketara di kalangan rakyat dan impak kenaikan harga rumah yang mendadak turut dirasai golongan M40 selain B40. Inisiatif khas untuk menyediakan kemudahan rumah pertama pada harga di bawah RM200,000 dan ke bawah ini hendaklah dijadikan salah satu sasaran kajian semula Dasar Perumahan Negara dan memerlukan input dari pelbagai agensi dan Kementerian serta pihak bukan Kerajaan dan bukan dari satu Kementerian sahaja. Isu kemampuan memiliki rumah pertama jika tidak ditangani akan mewujudkan generasi rakyat yang sentiasa menyewa tanpa mendapat peluang memiliki perumahan sendiri. Golongan generasi ini akan terus menjadi mangsa kepada harga hartanah yang melambung akibat spekulasi hartanah dan tanpa kawalan harga sehingga menjadikan harga di luar kemampuan sebenar golongan M40 dan B40. "

[Menteri Pembangunan Kerajaan Tempatan]

20. PR-1521-U(27)234

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya agihan peruntukan pembangunan dan pelaksanaan projek pembangunan kepada enam negeri kurang membangun, iaitu Kedah, Kelantan, Perlis, Sabah, Sarawak dan Terengganu seperti yang direncanakan di dalam Pelan Rancangan Malaysia Ke-12 (RMK-12) dapat dilaksanakan secepat mungkin. Berdasarkan pelan RMK-12 tersebut, enam negeri kurang membangun akan terus diberi keutamaan dengan agihan sekurang-kurangnya 50% daripada keseluruhan peruntukan Perbelanjaan Pembangunan Asas Persekutuan. Ini akan mempercepatkan penyediaan infrastruktur dan kemudahan asas serta menjana lebih banyak peluang ekonomi di negeri kurang membangun dan mengurangkan jurang pembangunan."

[Menteri Ekonomi]

21. PR-1521-U(27)235

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya mengkaji semula peruntukan khas yang boleh diberikan kepada pekebun kecil, penternak dan nelayan yang terjejas akibat bencana alam seperti banjir dan musim tengkujuh. Kerosakan tanaman dan kematian ternakan sering kali mendatangkan kerugian besar hingga kepada jutaan ringgit setiap kali berlaku bencana alam. Dengan situasi semasa ekonomi negara yang tidak stabil juga secara tidak langsung akan memberi tekanan kepada kos sara hidup pekebun kecil, penternak dan nelayan yang kebanyakannya bergantung harap kepada sumber pendapatan tersebut sahaja. Maka pemberian peruntukan khas ini dapat menambah baik kehidupan mereka."

[Menteri Pertanian dan Keterjaminan Makanan]

22. PR-1521-U(27)236

Dato' Seri Dr. Shahidan bin Kasim [Arau] akan mencadangkan :

Kerajaan supaya mengkaji dan merancang satu inisiatif khas bagi memastikan setiap rakyat dan keluarga Malaysia terutamanya dari golongan B40 dan M40 mampu memiliki kediaman pertama dengan menyediakan rumah mampu milik berharga RM200,000 dan ke bawah baik di luar dan di dalam bandar. Dasar Perumahan Negara (2018-2025) sendiri memperakui bahawa isu kemampuan memiliki rumah semakin ketara di kalangan rakyat dan impak kenaikan harga rumah yang mendadak turut dirasai golongan M40 selain B40. Inisiatif khas untuk menyediakan kemudahan rumah pertama pada harga di bawah RM200,000 dan ke bawah ini hendaklah dijadikan salah satu sasaran kajian semula Dasar Perumahan Negara dan

memerlukan input dari pelbagai agensi dan Kementerian serta pihak bukan Kerajaan dan bukan dari satu Kementerian sahaja. Isu kemampuan memiliki rumah pertama jika tidak ditangani akan mewujudkan generasi rakyat yang sentiasa menyewa tanpa mendapat peluang memiliki perumahan sendiri. Golongan generasi ini akan terus menjadi mangsa kepada harga hartanah yang melambung akibat spekulasi hartanah dan tanpa kawalan harga sehingga menjadikan harga di luar kemampuan sebenar golongan M40 dan B40. "

[Perdana Menteri]

23. PR-1521-U(27)237

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan melaksanakan satu perancangan persediaan dan pengurusan risiko bagi menghadapi bencana alam dapat disemak semula akibat impak perubahan iklim yang sangat drastik sejak kebelakangan ini. Hal demikian kerana perancangan rapi penting bagi memastikan tahap kesiapsiagaan anggota terlibat berada di tahap yang tinggi. Di samping itu, Kerajaan juga perlu merencana satu langkah holistik bagi mendidik masyarakat agar bersiap siaga untuk menghadapi bencana alam kerana kesedaran terhadap isu ini di dalam kalangan masyarakat masih berada di tahap yang rendah berdasarkan peristiwa bencana alam yang lepas."

[Perdana Menteri]

24. PR-1521-U(27)238

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan menyemak semula garis panduan Suruhanjaya Komunikasi Multimedia Malaysia (SKMM) mengenai isi kandungan media sosial yang sensitif serta tidak sesuai dengan agama Islam dan budaya tempatan seperti kandungan yang *pro-LGBT* dan *pro-liberalisme*. Misalnya, SKMM baru-baru ini telah bekerjasama dengan Polis Diraja Malaysia (PDRM) untuk memantau penyebaran klip-klip video sensitif yang berbaur provokasi dengan niat mencetuskan ketidakharmonian, kebencian dan prejudis. Oleh hal demikian, Kerajaan digesa supaya melakukan tindakan yang sama bagi menangani penularan isi kandungan *pro-LGBT* dan *pro-liberalisme* di media sosial. Tindakan ini adalah penting untuk memastikan martabat Islam sebagai agama rasmi negara terpelihara dan budaya tempatan dihormati. "

[Menteri Komunikasi dan Digital]

25. PR-1521-U(27)239

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya menyediakan perancangan, peruntukan dan prasarana kepada pelajar-pelajar universiti, kolej, STPM dan SPM bagi menghadapi kaedah pembelajaran alaf baru seperti pembelajaran dalam talian dan menggunakan media elektronik. Ini bagi membolehkan dan mendedahkan mereka ke alam teknologi siber dan e-pembelajaran yang semakin berkembang yang seterusnya memerlukan guru-guru yang terlatih dalam pendidikan alaf baru."

[Menteri Pendidikan]

26. PR-1521-U(27)240

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya mewujudkan pusat benih padi khusus di kawasan utara khususnya di Arau, Perlis bagi membekalkan benih-benih padi yang bermutu tinggi dan mencukupi serta membolehkan penyelidikan yang agresif dibuat bagi menghasilkan benih padi baru. Pusat Benih Padi adalah penting untuk mengumpul benih padi yang lebih berdaya komersial, lebih berdaya tahan iklim (*climate resistant*) dan sesuai dengan cuaca di kawasan utara Semenanjung Malaysia. Pusat ini juga boleh berperanan menjalankan kajian di peringkat serantau dan melibatkan penyelidik daripada negara-negara jiran seperti Thailand, Indonesia, Filipina dan Myanmar yang mempunyai tanaman dan baka padi yang berdaya komersial tinggi."

[Menteri Pertanian dan Keterjaminan Makanan]

27. PR-1521-U(27)241

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan menyediakan pelan tindakan yang komprehensif untuk menangani kadar pengangguran semasa yang dijangka meningkat terutamanya di kalangan graduan universiti, penduduk luar bandar dan golongan miskin bandar. Pelan tindakan ini amat diperlukan memandangkan keadaan ekonomi global juga bakal meruncing pada tahun 2023 dan kadar pelaburan asing di Malaysia akan terjejas. Dengan situasi ekonomi terkini, lambakan penganggur akan menyebabkan peningkatan jumlah golongan B40 dan B20 akibat peningkatan kos sara hidup."

[Perdana Menteri]

28. PR-1521-U(27)242

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya meneruskan usaha untuk memberi bantuan semula kepada pesawah menerusi Bajet 2023. Dalam ucapan Bajet 2023 yang lepas, Kerajaan mengumumkan bantuan sebanyak RM200 sebulan bagi tempoh tiga bulan kepada 240 ribu penerima yang layak. Anggaran keseluruhan perbelanjaan bantuan tersebut adalah lebih kurang RM228 juta. Justeru itu, Kerajaan digesa agar mempercepat saluran bantuan tersebut kepada pesawah yang memerlukan bagi menyokong pengorbanan mereka sebagai tonggak utama dalam menghasilkan makanan ruji utama rakyat Malaysia iaitu beras. Kebanyakan petani di utara Semenanjung Malaysia mempunyai kawasan sawah padi yang luas serta subur yang juga sesuai ditanam pelbagai jenis tanaman seperti kelapa sawit. Walau bagaimanapun, para pesawah ini masih meneruskan tanaman padi bagi menjamin kelangsungan makanan ruji utama negara. Oleh hal demikian, Kerajaan diharapkan dapat menghargai pengorbanan para pesawah ini."

[Menteri Pertanian dan Keterjaminan Makanan]

29. PR-1521-U(27)243

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan melaksanakan segera projek-projek tebatan banjir di seluruh negara untuk memastikan projek ini dilaksanakan secara holistik dan dapat mencari jalan penyelesaian kepada isu banjir yang semakin meruncing akibat kesan perubahan iklim dan pembangunan yang tidak mesra alam. Antara projek yang perlu dilaksanakan segera adalah seperti Projek Pembangunan Sungai Bersepadu (PLSB) Sungai Golok (KESBAN) dan Sungai Kelantan. Dengan pembinaan projek tersebut, risiko banjir besar dapat dikurangkan. Di samping itu, projek tebatan banjir di Selangor khususnya di Shah Alam dan bandar Kuala Lumpur juga diharapkan dapat dilaksanakan dengan komprehensif agar dapat menangani masalah banjir kilat."

[Menteri Sumber Asli, Alam Sekitar dan Perubahan Iklim]

30. PR-1521-U(27)244

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya melaksanakan tindakan kawalan yang lebih ketat berkenaan jualan arak. Garis panduan yang khusus perlu dikaji dan diwujudkan oleh Kerajaan bagi mengawal penjualan arak yang meliputi waktu dan tempat jualan arak yang seragam dan boleh diguna pakai di seluruh negara bagi tujuan mengelakkan masalah sosial yang sering timbul seperti masalah rumah tangga dan kemalangan jalan raya. Oleh hal yang demikian, keseragaman tindakan daripada Kementerian Kewangan dan Pihak Berkuasa Tempatan (PBT) adalah amat diperlukan sekiranya ingin melaksanakan tindakan kawalan yang lebih ketat terhadap jualan arak kerana ketika ini ketidakseragaman tindakan antara dua entiti ini menjadi antara punca kawalan jualan arak tidak dapat dilaksanakan secara efektif dan efisien."

[Menteri Kewangan]

31. PR-1521-U(27)245

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya membentuk satu pasukan petugas khas bagi memberi perhatian terhadap isu pencerobohan sempadan yang berlaku di Sabah dan Sarawak. Seperti di ketahui, Sabah dan Sarawak pula berkongsi sempadan darat sejauh 2,019.5km dengan Kalimantan, Indonesia. Daratan Negara Brunei Darussalam dibatasi sepenuhnya oleh Sarawak sepanjang 481.3km. Kebanyakan kawasan perbatasan Malaysia bersama negara-negara jirannya terletak di kawasan perbukitan yang diliputi hutan tebal dan kawasan perairan laut menyebabkan kawalan terhadap kawasan-kawasan ini sulit dilakukan.

Oleh sebab itu, masalah pencerobohan, penyeludupan, pemerdagangan manusia dan perdagangan narkotik adalah antara isu yang saban tahun masih berlaku dan sukar ditumpaskan. Dengan siapnya Lebuhraya Sematan – Telok Melano juga baru-baru ini secara tidak langsungnya meningkatkan risiko pencerobohan sempadan sama ada melalui darat dan laut terutamanya melalui Taman Negara Tanjong Datu. Oleh hal yang demikian, tindakan segera Kerajaan bagi mencari solusi terbaik kepada masalah kawalan sempadan ini adalah amat diharapkan."

[Menteri Dalam Negeri]

32. PR-1521-U(27)225

Datuk Seri Ir. Dr. Wee Ka Siong [Ayer Hitam] akan mencadangkan :

"Pindaan terhadap Akta Suruhanjaya Pelantikan Kehakiman (JAC) 2009, seiring dengan cadangan serta titah Majlis Raja – Raja Melayu, demi memastikan pelantikan lima daripada sembilan ahli JAC tidak lagi dilakukan oleh Perdana Menteri. Bergerak ke hadapan, adalah wajar untuk Kerajaan Perpaduan meminda Akta JAC 2009 dan Perkara 122B Perlembagaan Persekutuan bagi menghentikan campur tangan eksekutif yang hanya mengikut selera politik semata-mata dalam isu pelantikan hakim, sekali gus dapat mewujudkan kebebasan sistem kehakiman serta menjunjung keluhuran perlembagaan dan kedaulatan undang-undang di dalam Malaysia sepertimana yang terkandung dalam Rukun Negara.

Sebelum ini, negara telah dikejutkan dengan pendedahan oleh mantan Tan Sri Peguam Negara di dalam buku tulisannya yang berjudul, "*My Story: Justice in Wilderness*", yang nyata bertentangan dengan laungan Kedaulatan Undang-undang atau "*Rule of Law*", oleh Kerajaan pimpinan Yang Amat Berhormat Perdana Menteri ke-7. Berdasarkan penulisan beliau, terdapat pelbagai dakwaan mengenai isu pelantikan hakim, campur tangan didalam sistem kehakiman, pendakwaan politik, serta pelbagai pendedahan yang menerbitkan seribu satu persoalan. Pendedahan daripada mantan Tan Sri Peguam Negara tersebut amat membimbangkan, menimbulkan rasa syak wasangka dan persoalan terhadap sistem keadilan, dan juga kepincangan atas doktrin, dengan izin, "*separation of power*" atau pengasingan kuasa di dalam negara kita.

Justeru, saya menyambut baik kenyataan YB Menteri di Jabatan Perdana Menteri (Undang-Undang dan Reformasi Institusi) yang menyatakan bahawa, Jemaah Menteri telah bersetuju dengan cadangan untuk menubuhkan Suruhanjaya Siasatan Diraja (RCI) untuk meneliti mengenai perkara tersebut. Namun, saya fikirkan Kerajaan tidak sepatutnya sekadar berhenti di situ sahaja. Sebaliknya perlu meminda JAC 2009 bagi merealisasikan hasrat murni Kerajaan terutamanya dalam urus tadbir yang baik atau '*good governance*'."

[Perdana Menteri]

33. PR-1521-U(27)226

Datuk Seri Ir. Dr. Wee Ka Siong [Ayer Hitam] akan mencadangkan :

"Pindaan terhadap harga maksimum telur ayam yang berkuat kuasa pada 12 Oktober 2022 di bawah Akta Kawalan Harga dan Anti Pencatutan 2011 dengan menaikkan harga kawalan telur tempatan dari RM0.41 ke RM0.50 sebiji, iaitu pada paras harga yang sama dengan harga telur import dari India. Di samping itu, Kementerian juga boleh mewujudkan "elaun telur secara *top-up*" kepada golongan B40 dengan menampung selisih harga telur sebanyak RM0.09 (RM0.41 -RM0.50) sebiji. Langkah ini boleh meringankan bebanan kewangan keluarga B40 dan turut membantu penternak tempatan mengatasi masalah kos operasi yang meningkat, sekali gus mengatasi masalah kekurangan bekalan telur ayam. Seandainya elaun telur sebanyak RM200 setahun diberikan kepada golongan B40, banyak telur yang boleh dimakan oleh keluarga B40.

Kementerian seharusnya mengutamakan penternak tempatan semasa menangani masalah kekurangan bekalan telur ayam. Ramai penternak atau pengusaha ladang ayam telur terpaksa menampung kos operasi yang tinggi mengeluarkan telur. Kos untuk menghasilkan sebiji telur ayam di ladang kini mencecah RM0.45 sebiji, di mana sebahagian besarnya membabitkan penghasilan makanan ayam. Menurut Laporan Kajian Khas Kos Pengeluaran Ayam Dan Telur oleh Jabatan Perangkaan Malaysia pada Disember 2022, purata kos pengeluaran di peringkat ladang bagi telur adalah RM0.48 sebiji pada September 2022. Penternak tempatan rugi kerana telur tempatan hanya boleh dijual dengan RM0.41 sebiji kerana ada kawalan harga, sedangkan kos menghasilkan sebiji telur telah pun melebihi paras harga tersebut. Kalau rugi, penternak tidak akan membela ayam untuk menghasilkan telur.

Malahan, telur import dari India dijual dengan RM0.50 sebiji, jika Kementerian memansuhkan kawalan harga, harga jualan telur tempatan juga lebih kurang sama iaitu kira-kira RM0.50 sebiji. Maka, cadangan untuk meminda harga kawalan telur tempatan ke RM0.50 sebiji bakal membantu rakyat dan penternak tempatan. Langkah tersebut boleh menjana ekonomi domestik dari sudut penyediaan peluang pekerjaan dan pembayaran cukai dari pihak penternak, kebersihan dan keselamatan telur ayam, kemudahan logistik, penyeliaan dan pembekalan berbanding dengan langkah mengimport telur dari India.

Justeru, Kementerian wajar mempertimbangkan cadangan pindaan kawalan harga telur supaya rakyat dan penternak tempatan tidak lagi terjejas dalam masalah kekurangan bekalan telur yang berpanjangan ini. Elaun telur kepada golongan B40 juga boleh memastikan rakyat terus berkemampuan menikmati makanan asas ini tanpa terjejas oleh kenaikan harga kawalan telur. Telur dan ayam adalah makanan asas rakyat tanpa mengira kaum atau agama, perkara ini harus dijadikan keutamaan."

[Menteri Pertanian dan Keterjaminan Makanan]

34. PR-1521-U(27)227

Dato' Indera Mohd Shahar bin Abdullah [Paya Besar] akan mencadangkan :

"Bahawa Dewan Rakyat menggesa Kerajaan untuk membentangkan langkah-langkah Kerajaan dalam menghadapi Kemelesetan Ekonomi Global pada 2023 seperti yang diramalkan oleh pelbagai institusi kewangan dalam dan luar negara.

Menurut kajian yang dibuat oleh Bank Dunia; dalam menghadapi risiko, di mana bank-bank negara di seluruh dunia telah dan akan secara serentak menaikkan kadar faedah secara mendadak. Kesannya, seluruh dunia akan menghadapi krisis ekonomi dan bakal menuju kepada krisis kewangan yang semestinya akan memberikan impak negatif yang berpanjangan.

Pelbagai kajian dasar, pakej rangsangan dan langkah diplomatik perlu dibuat oleh Kerajaan untuk memastikan negara kita kalis krisis ini dan membolehkan rakyat hidup dalam kestabilan ekonomi yang optimum. Selain itu, krisis ekonomi secara global juga dijangka akan membawa kepada kemerosotan KDNK sebanyak 0.5 peratus pada 2023.

Pertumbuhan ekonomi mesti dipertingkatkan supaya negara kita boleh mencapai penukuhan nilai mata wang dan menarik lebih banyak pelaburan yang strategik di mana akan menyumbang kepada peluang pekerjaan, peningkatan produktiviti, pengukuhan pasaran modal dan mengurangkan kemiskinan rakyat. "

[Menteri Ekonomi]

35. PR-1521-U(27)228

Dato' Indera Mohd Shahar bin Abdullah [Paya Besar] akan mencadangkan :

"Bahawa Dewan Rakyat menggesa Kerajaan untuk membentangkan perancangan Kerajaan untuk mewujudkan sebuah jawatankuasa khas di peringkat jemaah menteri bagi membuat kajian dan perancangan dalam membasmi kemiskinan golongan nelayan. Mengikut rekod lalu yang dibuat, bancia daripada SENDI-LKIM (2008-2017) mendapati bahawa para nelayan hanya memperoleh pendapatan melebihi RM1,200 sahaja. Meskipun Kerajaan sudah menyediakan peruntukan kepada nelayan melalui Elaun Sara Hidup Bantuan Nelayan dan Skim Subsidi Petrol, namun dengan peningkatan kos sara hidup dan keterbatasan akses kepada kemudahan yang disediakan oleh Kerajaan telah menyukarkan dan membebankan para nelayan yang berada di kawasan luar bandar. Tahun 2022, sejumlah RM7 juta diperuntukkan kepada LKIM sebagai modal pusingan pembelian ikan tempatan sebanyak 1,000 tan metrik yang akan ditempatkan di 130 bilik sejuk beku di seluruh negara untuk menghadapi musim tengkujuh. Permasalahan ini berlaku disebabkan penglibatan orang tengah yang menganiaya dan mengambil kesempatan atas usaha para nelayan dengan memberi alasan hasil yang berkurangan disebabkan

oleh cuaca buruk dan secara tidak langsung memberikan kesan negatif kepada rantaian sekuriti makanan negara. Penerangan yang jelas kepada sistem penyaluran bantuan Kerajaan juga harus ditambah baik terutamanya kepada golongan-golongan yang tidak mahir menggunakan kemudahan internet dan agensi berkaitan haruslah mencari nelayan yang masih belum berdaftar agar bantuan Kerajaan juga boleh dinikmati oleh mereka. Pokoknya, Kerajaan harus meneliti dan menggali dengan lebih mendalam tentang permasalahan yang dihadapi oleh para nelayan. Kita harus memperkasakan saluran bantuan Kerajaan agar tidak berlaku ketirisan dan aktiviti penyalahgunaan kuasa yang digunakan oleh pihak-pihak tertentu. "

[Menteri Pertanian dan Keterjaminan Makanan]

36. PR-1521-U(27)229

Dato' Indera Mohd Shahar bin Abdullah [Paya Besar] akan mencadangkan :

"Bahawa Dewan Rakyat menggesa Kerajaan untuk membentangkan sebuah pelan tindakan khas untuk menghadapi dan mengatasi krisis utiliti terutamanya tenaga elektrik dan bekalan air bersih serta apakah jangkaan kesan kepada rakyat apabila inisiatif Kerajaan mengurangkan pemberian subsidi utiliti.

Krisis tenaga elektrik berpunca dari harga bahan api sangat tinggi yang menyebabkan peningkatan mendadak kos penjanaan elektrik dan pelarasan tarif elektrik melalui mekanisme ICPT. Berdasarkan kepada kos penjanaan yang sangat tinggi ini, semua pengguna elektrik di Semenanjung Malaysia sepatutnya dikenakan surcay sebanyak 27 sen/kWj bagi tempoh 1 Januari hingga 30 Jun 2023 yang akan menyebabkan peningkatan kos sara hidup sekiranya dilepaskan kepada pengguna sepenuhnya. Sekiranya keseluruhan kos ICPT ditampung melalui subsidi, Kerajaan pula perlu menyediakan peruntukan yang sangat besar dan membebankan.

Krisis sumber air bersih diakibatkan oleh penebangan hutan secara berleluasa dan pembalakan yang tidak terkawal boleh memusnahkan "hutan awan" (*cloud forest*) yang akan mengakibatkan kehilangan sumber air yang berharga selain menyebabkan hakisan tanah dan menjejaskan kualiti sumber air. Pembuangan sampah dan sisa toksik industri juga menyumbang kepada pencemaran air sungai yang boleh menyebabkan masalah gangguan bekalan air tidak berjadual timbul dan menyukarkan rakyat dalam kehidupan seharian dan secara langsung menelan kos yang tinggi bagi meningkatkan tahap capaian bekalan air bersih, tambahan pula kerja-kerja penyelenggaraan dan penggantian peralatan secara berkala di loji rawatan air atau sistem agihan oleh operator bekalan air semestinya memerlukan perbelanjaan yang tinggi.

Oleh hal demikian jaminan tenaga dan air perlu dirangka dengan langkah yang selamat oleh Kerajaan dalam mencapai penggunaan utiliti yang mampan serta efisien dengan penggunaan kos yang rendah serta pengenaan caj tidak membebankan rakyat. Pengalaman krisis tenaga yang dilalui oleh masyarakat di Eropah perlu diambil sebagai panduan dan perkara yang perlu dirujuk dalam membuat sebarang pertimbangan pada masa kini dan hadapan."

[Menteri Sumber Asli, Alam Sekitar dan Perubahan Iklim]

37. PR-1521-U(27)230

Dato' Indera Mohd Shahar bin Abdullah [Paya Besar] akan mencadangkan :

"Bahawa Dewan Rakyat menggesa Kerajaan menubuhkan sebuah Institut Rukun Negara bagi mengkaji dan membentangkan perancangan model literasi perpaduan jangka masa panjang menyeluruh yang akan menyelesaikan masalah polarisasi kaum yang semakin menebal dalam kalangan anak muda di negara ini. Model pendidikan jangka masa panjang ini perlu merangkumi keseluruhan aspek pembelajaran termasuk komponen subjek akademik, komponen kerohanian dan komponen etnik tanpa membelakangi peruntukkan yang terkandung dalam Perlembagaan Persekutuan dan semangat Rukun Negara. Masalah polarisasi kaum akan dilihat semakin serius jika perancangan, penekanan dan pemantauan ini tidak dilakukan segera daripada peringkat awal pembelajaran dan ia tidak dapat mencapai tahap toleransi semua kaum dan semangat kenegaraan semakin lemah dalam kalangan anak muda. Kesannya terhadap potensi untuk membangunkan negara bangsa mengikut acuan kita sendiri akan terencat dan keharmonian serta kesejahteraan negara juga akan terancam."

[Menteri Perpaduan Negara]

RISALAT-RISALAT YANG DIBAWA KE DALAM MESYUARAT
(DEWAN RAKYAT)

<u>TAHUN</u> <u>2023</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
ST. 70	Penyata Keluaran Wang Daripada Simpanan Luar Jangka Bagi Tempoh 1 Januari 2022 Hingga 31 Disember 2022 Menurut Peraturan Subseksyen 6(3) Akta Kumpulan Wang Pembangunan 1966	28 Mac 2023
CMD. 21	Anggaran Perbelanjaan Mengurus Tambahan Pertama 2022	28 Mac 2023
CMD. 21A	Memorandum Perbendaharaan Mengenai Anggaran Perbelanjaan Mengurus Tambahan Pertama 2022 Bagi Kerajaan Malaysia	28 Mac 2023
CMD. 22	Anggaran Perbelanjaan Pembangunan Tambahan Pertama 2022	28 Mac 2023
CMD. 22A	Memorandum Perbendaharaan Mengenai Anggaran Perbelanjaan Pembangunan Tambahan Pertama 2022 Bagi Kerajaan Malaysia	28 Mac 2023
CMD. 23	Penyata Keluaran Wang Daripada Kumpulan Wang Luar Jangka Bagi Tempoh 1 Januari 2022 Hingga 31 Disember 2022 Menurut Peraturan 68 Di Bawah Peraturan-Peraturan Majlis Mesyuarat Dewan Rakyat	28 Mac 2023

****UCAPAN-UCAPAN
(PERATURAN MESYUARAT 17)
(KAMAR KHAS)**

Tarikh Ucapan	Ahli Yang Berucap	Tajuk Ucapan	Menteri Yang Bertanggungjawab
1. 28.03.2023 (Selasa)	1. YB Datuk Haji Ahmad Amzad bin Mohamed @ Hashim (Kuala Terengganu)	1. Masalah Muara Cetek di Pelabuhan Lembaga Kemajuan Ikan Malaysia (LKIM) Chendering	1. YB Menteri Pertanian dan Keterjaminan Makanan
2. 28.03.2023 (Selasa)	2. YB Datuk Haji Ahmad Amzad bin Mohamed @ Hashim (Kuala Terengganu)	2. Pemuliharaan Muara Sungai Ibai bagi Mengatasi Kecetekan	2. YB Menteri Sumber Asli, Alam Sekitar dan Perubahan Iklim
3. 28.03.2023 (Selasa)	3. YB Tuan Che Alias bin Hamid (Kemaman)	3. Naik Taraf Padang Awam	3. YB Menteri Belia dan Sukan

**** Ucapan Di Bawah Usul Berkenaan Perkara Tadbir Kerajaan (Peraturan Mesyuarat 17)**